

ავტორი:

რუსუდან

თაყაიშვილი

სამიზნე აუდიტორია:

მუსიკის

მასწავლებლები

რესურსის ტიპი:

გზამკვლევი - მუსიკა

პრაქტიკული გამოყენება:

მასწავლებელი გამოიყენებს

ინტერდისციპლინური

პროექტის

„ჩემი კლიმატმეგობრული სკოლა“ განხორციელებისას



ჩემი კლიმატმეგობრული სკოლა

მასწავლებელთა პროფესიული განვითარების ეროვნული ცენტრის მიერ მომზადებულია ინტერდისციპლინური პროექტი „ჩემი კლიმატმეგობრული სკოლა“, რომელიც გათვალისწინებულია მე-8 კლასში განსახორციელებლად

წინამდებარე გზამკვლევი დაეხმარება მუსიკის მასწავლებლებს

თავიანთი საგნობრივი ნაწილის წარმართვაში

დღე 1

1. მასწავლებელი სვამს კითხვას: როგორ მიუსადაგებდით თქვენთვის სხვა საგნებიდან უკვე ნაცნობი პროექტის - კლიმატის თემას მუსიკის საგანს? მოსწავლეები მუშაობენ ჯგუფებში და წარადგენენ თავიანთ მოსაზრებებს. მასწავლებელი აჯამებს მათ ნააზრევს.¹
2. მასწავლებელი სთხოვს, გაიხსენონ ბუნების 4 სტიქია. ასმენინებს მოსწავლეებს სხვადასხვა ხმას, კომპოზიციას, რომლებსაც გაანაწილებენ ცხრილში სტიქიებთან შესაბამისობის მიხედვით, მსჯელობენ შემსრულებელთა შემადგენლობაზე, იხსენებენ, როგორ შეიძლება გამოისახოს სხეულის მოძრაობით წვიმა, ქექა-ქუხილი, ქარი.



წყალი	ჰაერი	მიწა	ცეცხლი

¹ მოსწავლეების მიერ საინტერესო იდეების შემოთავაზების შემთხვევაში, მასწავლებელმა, სასურველია, იმ მიმართულებით წარმართოს მუშაობა

- https://www.youtube.com/watch?v=vPhg6sc1Mk4&ab_channel=NaturalezaViva-SonidosyPaisajesIncre%C3%ADbles ტალღები
- <https://www.youtube.com/watch?v=KDIjEyZ3zTI> წვიმის ხმა
- <https://www.youtube.com/watch?v=bfOPXxyiCJk> ტყის ხანძარი
- <https://www.youtube.com/watch?v=OPKZ3uwLGh0>
- https://www.youtube.com/watch?v=2yaBxn3wwDQ&ab_channel=obiwan88

კ. დებიუსი - სიმფონიური სურათი „ზღვა“. ქარისა და ტალღის დიალოგი
მოსწავლეები თავად განსაზღვრავენ, რომელ სტიქიას მიაწერონ

- <https://www.youtube.com/watch?v=AFbEUto4Ocg> მ. მუსორგსკი - „ღამე
მელოტ მთაზე“ ქარის ხმა
- <https://www.youtube.com/watch?v=v8Qah9A1vhU> ალექსუს - კომპოზიცია
„მიწისძვრა“
- <https://www.youtube.com/watch?v=Pcog8NOwHX8> მასწავლებელი ასმენინებს
ქარის ხმას და უჩვენებს კადრებს კინოფილმი-ოპერიდან „რიგოლეტო“;
მიუთითებს, რომ ქარის ხმას საორკესტრო ორმოში განთავსებული
მამაკაცთა ქორო ასრულებს 1:35-1:40

3. მასწავლებელი ესაუბრება თითოეული ნაწარმოების, შემსრულებელთა
შემადგენლობის, ავტორის შესახებ; ისმენს მოსწავლეთა შთაბეჭდილებებს;
4. მოსწავლეებს ეძლევათ დავალება - ჯგუფებში მოიძიონ, დაამუშაონ და
წარადგინონ მასალა - სტიქიების შესატყვისი მუსიკალური ნაწარმოებები, ppt
პრეზენტაციის ფორმატისა და ვიზუალური ეფექტების გამოყენებით;
5. ჯგუფებს ევალებათ, პრეზენტაცია ინტერაქტიული იყოს და ინტერესს იწვევდეს
თანაკლასელებში.

დღე 2-3

6. პრეზენტაციები

კრიტერიუმები - 1) სტიქიების შესატყვისი მუსიკალური ნაწარმოებების მოძიება² და წარდგენა; 2) პრეზენტაციის აგება აუდიტორიის ინტერესების გათვალისწინებითა და მისი მონაწილეობით.

7. დასრულებისას, სასურველია, თვით- და თანაშეფასება.



² ძიების პროცესში, სავარაუდოდ, ბევრ მასალას გაცნობიან, რაც საბოლოო დავალებისათვის გამოადგებათ.

დღე 4-5³

8. მოსწავლეები იხსენებენ და აღწერენ კლიმატურ ცვლილებებს თავიანთი პრაქტიკიდან.

9. თემატიკა ნაწილდება ჯგუფების მიხედვით, რომლებსაც ეძლევათ დავალება, შექმნან და წარადგინონ საკუთარი/რაიმე ნიმუშის მიხედვით მათ მიერ შექმნილი კომპოზიციები (კომპიუტერული ტექნოლოგიებით, ხმითა და სხვადასხვა რესურსით, ცოცხალი შესრულებით ან ჩანაწერის სახით).⁴



10. თითოეული ჯგუფი წარადგენს კომპოზიციას, ასახელებს ინსპირაციის წყაროს, კონცეფციასა და იდეას.

³ დღეები, შესაძლოა, სხვაგვარად გადანაწილდეს მოსწავლეთა რაოდენობის მიხედვით.

⁴ რეპეტიციები კლასშივე მიმდინარეობს; სავარაუდოდ, დასჭირდება 1 ან 2 გაკვეთილი.